



Broj : 10/E-11-<sup>98</sup> /26  
Sarajevo: 14-01-2026 godine

Na osnovu člana 10c. stav (5) Zakona o javnim nabavkama („Službeni glasnik BiH“, broj 39/14, 59/22 i 50/24) – u daljem tekstu: Zakon, člana 69. Statuta Općine Centar Sarajevo – Prečišćeni tekst (»Službene novine Kantona Sarajevo«, br. 23/04), a u skladu sa zahtjevom Kabineta općinskog načelnika od 12.01.2026. godine, Opštinski načelnik d o n o s i :

### **O D L U K U** **o izuzeću od primjene Zakona o javnim nabavkama**

#### **Član 1.**

Od primjene Zakona o javnim nabavkama izuzimaju se usluge davanja stručnog mišljenja na medicinsku dokumentaciju, a koje se mogu nabaviti od INSTITUTA ZA MEDICINSKO VJEŠTAČENJE ZDRAVSTVENOG STANJA, u skladu sa propisima koji regulišu predmetnu oblast.

#### **Član 2.**

Postupak usluga iz člana (1) ovog člana, je u skladu sa članom 10c. stav (5) Zakona o javnim nabavkama, i izuzet je od primjene odredbi Zakona. Vrsta ugovora su usluge.

#### **Član 3.**

Procijenjena vrijednost nabavke bez PDV-a iznosi ukupno 5.000,00 KM.  
Predmetna nabavka je planirana u Budžetu Općine Centar Sarajevo za 2026.godinu, na budžetskom kontu: 613991-4. JRJN: 85148000-8 Usluge medicinskih analiza.

#### **Član 4.**

Kabinet općinskog načelnika – Odsjek za javne nabavke provest će proveduru pokretanja postupka predmetne nabavke, shodno odredbama Zakona o javnim nabavkama ("Službeni glasnik BiH", br. 39/14, 59/22 i 50/24), koje se odnose na izuzeće od primjene Zakona, dok je za praćenje i realizaciju iste zadužen Kabinet općinskog načelnika, u skladu sa zakonom i općim aktima ovog Organa uprave.

#### **Član 5.**

Predmetna nabavka će se provesti u skladu sa odredbama Pravilnika o internim procedurama u postupcima javnih nabavki roba, usluga i radova sa načinom realizacije ugovora nakon provedenog postupka javne nabave, te će nadležna služba obezbijediti dokaze za provođenje predmetne nabavke, a sa INSTITUTOM ZA MEDICINSKO VJEŠTAČENJE ZDRAVSTVENOG STANJA, će se zaključiti ugovor.

#### **Član 6.**

Ova Odluka stupa na snagu danom donošenja i ista će biti objavljena na službenoj stranici Općine Centar Sarajevo.

### **O b r a z l o ž e n j e**

Na osnovu zahtjeva Kabineta općinskog načelnika od 12.01.2026. godine za donošenje odluke o izuzeću za usluge davanja stručnog mišljenja na medicinsku dokumentaciju, Kabinet općinskog načelnika – Odsjek za javne nabavke pokreće predmetnu nabavku. Nakon što je Kabinet općinskog načelnika – Odsjek za javne nabavke izvršio provjeru svih elemenata za pokretanje postupka za navedene usluge, utvrđeno je da se iste izuzimaju od primjene odredbi Zakona o javnim nabavkama u skladu sa članom 10c. stav (5) Zakona o javnim nabavkama.



Predmetna nabavka će se provesti u skladu sa odredbama Pravilnika o internim procedurama u postupcima javnih nabavki roba, usluga i radova sa načinom realizacije ugovora nakon provedenog postupka javne nabave, te će nadležna služba obezbijediti dokaze za provođenje predmetne nabavke.

Sa INSTITUTOM ZA MEDICINSKO VJEŠTAČENJE ZDRAVSTVENOG STANJA, će se zaključiti ugovor o regulisanju prava i obaveza ugovornih organa.

Dalje, članom 18. stav (1) Zakona o javnim nabavkama, propisano je da ugovorni organ pokreće postupak javne nabavke donošenjem odluke o pokretanju postupka javne nabavke u pisanoj formi, dok je stavom (2) istog člana propisano da u slučaju izuzeća od primjene iz člana 10. ovog zakona ili za dodjelu ugovora o nabavci usluga iz Aneksa II, ugovorni organ dužan je donijeti odluku koja, osim zakonske osnove za izuzeće od primjene ovog zakona, sadrži osnovne elemente iz stava (1) tačka b), c) i d) ovog člana.

Članom 10c. stav (5) Zakona o javnim nabavkama, propisana su izuzeća od primjene odredbi ovog zakona, gdje je definisano:

*„Ovaj zakon ne primjenjuje se na sklapanje ugovora isključivo između dva ili više ugovornih organa ako su ispunjeni svi sljedeći uslovi:*

- a) *ugovor se utvrđuje ili ostvaruje saradnja između tih ugovornih organa s ciljem osiguravanja da javne usluge koje oni trebaju pružiti ostvaruju njihove zajedničke ciljeve;*
- b) *ta saradnja uspostavljena isključivo na osnovu potreba vezanih uz javni interes;*
- c) *ti ugovorni organi ostvaruju na otvorenom tržištu manje od 20 % djelatnosti na koje se odnosi saradnja.*

Predmetne usluge se mogu obezbijediti od INSTITUTA ZA MEDICINSKO VJEŠTAČENJE ZDRAVSTVENOG STANJA, te je konstatovano da je INSTITUT ZA MEDICINSKO VJEŠTAČENJE ZDRAVSTVENOG STANJA, pravno lice-ugovorni organ, osnovano od strane entitetskog nivoa vlasti, da se između ugovornih organa ostvaruje saradnja s ciljem osiguravanja javne usluge kojima se ostvaruju njihovi zajednički ciljevi, da je saradnja uspostavljena isključivo na osnovu potreba vezanih uz javni interes, te da ugovorni organi ostvaraju na otvorenom tržištu manje od 20% djelatnosti na koje se odnosi saradnja.

Naime, članom 5. Uredbe o naknadama koje nemaju karakter plaće („Službene novine Federacije BiH“ br. 63/10, 22/11, 66/11, 51/12, 99/22, 15/23 i 68/23) jasno je definisano pravo naknada za slučaj teške invalidnosti ili teške bolesti, te se bolest, odnosno tjelesna povreda dokazuje na osnovu nalaza, ocjene i mišljenja **Instituta za medicinsko vještačenje zdravstvenog stanja**.

U skladu sa članom 18. stav (1) i (2) a u vezi sa članom 10c. stav (5), kojim su propisana izuzeća od primjene odredbi ovog zakona, utvrđeno je da su ispunjene pretpostavke za donošenje predmetne odluke. Predmetna nabavka će se provesti sa INSTITUTOM ZA MEDICINSKO VJEŠTAČENJE ZDRAVSTVENOG STANJA, te će se na osnovu potpisanog ugovora, dostavljati računi za izvršene usluge po važećem cjenovniku usluga medicinskog vještačenja zdravstvenog stanja („Službene novine Federacije BiH“ br. 64/22).

Period primjene pružanja usluga teče od dana potpisivanja ugovora i važi do 31.12.2026. godine. Za praćenje i realizaciju navedene usluge zadužen je Kabinet općinskog načelnika.

Analizirajući predmetni zahtjev, nadležna Služba za finansije utvrdila je da su ispunjene pretpostavke za realizaciju navedenih usluga, odnosno da su finansijska sredstva za ove namjene obezbijeđena u Budžetu Općine Centar za 2026. godinu, na budžetskom kontu: 613991-4.

Shodno zakonu i općim aktima Općine, Opštinskom načelniku dostavlja se prijedlog Odluke o izuzeću na konačno odobravanje i saglasnost.

Cijeneći prethodno navedeno donesena je Odluka kao u dispozitivu.

#### Dostaviti:

1. Kabinetu općinskog načelnika
2. Kabinetu općinskog načelnika – Odsjeku za javne nabavke
3. Službi za finansije
4. Evidenciji

